

APHORISMI PHYSICI.

QUOS,

IN EXERCITIUM STIPENDIARIORUM AD UNIVER-
SITATEM IMPERIAL. ABOEÑSEM,
CONSENTIENTE AMPLISS. PHILOS. ORDINE,
PUBLICE VENTILANDOS PROPONIT

PRÆSES

GUST. GABR. HÄLLSTRÖM,
*Physices Profesor publ. Ordin-, Stipendiariorum h. a. In-
spector, Eques Ordinis Imperial. S:t Vladimiri,*

RESPONDENTE

GUSTAVO ROSELL,
Stipend. Publ. Aboëns.

In Auditorio Philosophico die XXI. Nov. MDCCXXI.

horis a. m. consuetis.

ABOË,
ex Officina Typographica FRENCKELLIANA.

I.

In dijudicandis experimentis, quibus assertionem suam de vi magnetum ferreorum in omnia, cuiuscunqne sint materiæ, corpora vel organica vel inorganica, confirmare enīsus est Coulomb, effectus in particulas, vel paucissimas ferreas, in hisce materiis post consummatisimam quoque, quæ arte potest perfici, depurationem residuas, minime videtur esse prætermittendus. Neque ideo, quod diversæ materiæ a vi, quam magneticam esse putavit, inæqualiter affici sunt observatæ, mox est concludendum, attractioni materiæ universalí nullam in hisce phænomenis efficaciam tribui debere. Futurus vero nos docebit dies, quantum lucis in hac re experimenta cum corporibus, e fluida forma in solidam congelando mutatis, instituta afferant, qualia factu necessaria proposuit Biot (cfr. ejus *Traité de Physique experiment. & mathemat.*, Paris 1816, T. III, p. 126), quantumque robotis eidem hypothesi Coulombianæ conciliet experientia Cel. Hansseen, nullis amplius, ut contendit, dubiis obnoxia, qua filii corpora quævis, cuiuscunque sint naturæ, si modo in situ verticali sint erecta (qualia sunt parietes lignei, muri lateritii, arbores crescentes, ceteri), talibus gaudere conclusit affectionibus magneticis, ut pars eorum infima vim poli borealis, pars vero suprema poli australis exserat (Conti. *Correspondance astronomique, Geographique, Hydrographique & Statistique du Baron de Zach*, à Genes 1820, 2 Cahier, p. 128 &c. Gilberts Annal. d. Phys. 1821, 7, p. 265).

II.

Miram sane & absonam sibi finxere de viribus magnetis ideam, qui contenderunt, corpus magneticum, sive minera sit ferri, polis distinctis natura sola eas subministrante gaudens, sive chalybeus magnes, in quo magnetica vis arte est excitata, majoris observari ponderis quando bilanci ita impunitur, ut polus ejus borealis deorsum tendat, minoris vero quan-

quando eundem polum sursum vertit; qualem suam sententiam, et si naturae rei omnino repugnantem, experimentis tamen confirmatam quidam voluerunt (*Memoires de l' Academie Imperiale des Sciences de St Petersbourg*, an 1810 T. II, *Histoire p. 34*). Neque minoris is est taxandus præcipitantiæ, qui nostris adhuc temporibus, apertis contendit verbis, acum magneticae inclinatoriam ita positam, ut in plano, per plagas mundi orientalem & occidentalem traducto, quod igitur Meridiano loci magnetico est normale, libere posse oscillare, in situ subsistere horizontali, qui tamen, ob causas bene cognitas, esse debet verticalis, qualem illum experimenta quoque institutu facillima revera ostendunt.

III.

Notum Physics cultoribus est, formulam analyticam, qua facultatem aëris atmosphærici sonum propagandi exprimere a temporibus usque Newtoni soliti sunt, experientiæ regulis sat accurate non convenire. Inter plura hanc aberrationem explicandi tentamina, sententia Benzenbergii, qua contendit, majorem vaporum aqueorum in aëre volitantium elasticitatem in hac re præcipue esse considerandam, singularem mereri videtur attentionem; etiamsi fatendum simul sit, ne inde quidem plenam adhuc nos esse consecutos phænomeni explicacionem.—Fischeri suffragando sententiae (in *Abhandlungen der königl. Akademie der Wissenschaften in Berlin*, 1816, 1817, p. 63 &c.), qua aberrationis memoratae causa in affectione aliquarum partium aëris chemica, cuius de cetero latet indoles, queritur, nil fere agimus aliud, nisi nostram in hac re ignorantiam aperte agnoscimus. Neque usui practico plane esse videatur eo satisfactum, quod, addito coëfficiente numerico constante, formulam pro celeritate soni determinanda vulgarem, quo experientiæ dictatis accommodatior reddatur, correxerit Fischer. Sunt scilicet phænomena, quæ indicare videantur, illum quoque ipsum coëfficientem pro mutato aëris calore variabilem esse, unde ad concludendum proni sumus, formulam

lam *Fischeri*, pluribus insuper approximationibus adhibitis determinatam, pro caloris gradibus a media aëris temperatura valde aberrantibus, sensibiliter ab experientia recedere.

IV.

Uti imperfectam nec omni rigore mathematico confessam taxant plures recentissimorum quoque Mechanices Scriptorum (confr. v. c. *Lärobok i elementar Fysiken af J. P. Fröberg*, 1 Del. p. 176) vulgarem pro computando effectu statico cochleæ propositam theoriam, quæ e motu tantummodo puncti, in superficie helicis considerato, elementari omnino calculo derivatur. Etiamsi recte quidem observent, variabilem pro diversis quibusvis punctis, ab axe cochleæ varie distantibus, esse inclinationem plani helicis in planum quod axi verticaliter ductum concipitur, unde diversitatem a vulgari theoria deducendam esse concludunt; tamen ad id simul est attendendum, vi cochleam vertente ad vectin constantis longitudinis applicata, eliminari omnino e calculo effectum radii cochleæ, atque sic evanescere causam, cur dubiam putent elementarem illam theoriam.

